

四庫全書

子部

欽定四庫全書

子部

天中記卷二十二

詳校官中書臣李彤

主事臣祁韻士覆勘

總校官候補中允臣王燕緒

校對官編修臣王天祿

臚錄監生臣葉世倬

欽定四庫全書

天中記卷二十二

明 陳耀文 撰

頭

頭頭獨也處體高而獨尊也首始也釋名首頭也顛顛顛

頰頰大頭也顛小頭也說文

神居頭者神所居上圓象天氣之府也歲必十二故人

頭長一尺二寸元命苞

精主頭者精明之主也

素問

牛首神農牛首伏羲人頭蛇身

帝系譜

長頭湯長頭而寡髮

晏子

投棘豎牛奔齊孟仲之子殺諸塞關之外投其首于寧

風之棘上

昭二

沈首景公田於梧丘夜坐睡夢見五丈夫倚徙稱無罪  
公問晏子曰昔先公靈公出畋有五丈夫來驚獸悉斷  
其頭而葬之命曰丈夫丘命人掘之五頭具在公令厚

葬之

安子

飲器知伯兼范中行而攻趙不已韓魏反之軍敗晉陽

身死高梁之東趙襄子最怨智伯漆其頭以為飲器

國策

智伯身死三國分其首以為杯

韓子

此智伯之所以國亡

而身死頭為飲杯之故也

韓子難二

襄子擊智伯斷其頭以

為觴

呂覽義賞

智伯遂卒被分漆其首以為澆器

韓喻老

三頭相咬眉間尺逃楚入山道逢一客客問曰子眉間

尺乎答曰是也吾能為子報讐尺曰父無分寸之罪枉

被荼毒君今惠念何所用耶客曰須子之頭并子之劍  
又乃與頭客與王王大賞之即與鑊煮其頭七日七夜  
不爛客曰此頭不爛者王親臨之王即看之客於後以  
劍斬王頭入鑊中二頭相齧客恐尺不勝自以劍擬頭  
入鑊中三頭相咬七日後一時俱爛不可識別乃分其  
湯肉而葬之今在汝南北宜春縣界名曰三王家也

春秋魏惠王徙都于宋城號梁王為眉間尺任敬所殺三

吳越

人同葬故謂三王陵

晉北  
征記

小頭白起平原君勸趙孝成王受馮亭王曰受之秦兵  
必至武安君必將誰能當之者乎對曰澠池之會臣察  
武安君小頭而面銳瞳子白黑分明視瞻不轉小頭而  
面銳者敢斷決也瞳子白黑分明者見事明也視瞻不  
轉者執志强也可與持久難與爭鋒廉頗為人勇鷙而  
愛士知難而忍恥與之野戰則不如持守足以當之王

從其計

嚴尤二  
將敘

持頭往謝周末巴國有亂巴國將軍晏子請師於楚許

以三城楚王與師晏子既平巴國既而楚遣使請城晏子曰吾城許子之君矣持頭往謝楚王城不可得乃自刎以頭與楚子楚子嘆曰吾得臣若巴晏子何以城為

乃以上卿禮葬晏子頭巴國葬其身亦然

燕周三  
巴記

刎墮荆軻謂樊於期曰今得將軍之首與燕地圖秦王必喜而見軻軻將左手把其袖右手搯其腰則將之積忿除矣於是起扼腕執刃曰是日夜所欲而今同命於我自刎頭墮背後兩目不瞑以函盛於其首與軻入秦



燕丹  
子

無頭佳漢武時蒼梧賈雍為豫章太守有神術出界討賊為賊所殺失頭雍上馬還營營中咸走來視雍雍留中語曰戰不利為賊所殺諸君視有頭為焦無頭佳乎吏泣曰有頭佳雍曰不然無頭亦佳言畢遂死

錄異傳

花

敬定長安人至德中從崔光遠入蜀討段子璋有功封嘉祥縣公後又平寇單騎鏖戰已喪其元猶騎馬荷戈至鎮下馬沃盥適浣沙女語云無頭何以盥為遂僵仆

居民葬之溪上廟祀之杜甫歌成都猛將有花卿學語  
小兒知姓名

懸梁孫敬字文寶好學晨夕不休及至眠睡疲寢以繩

繫頭懸屋梁後為當世大儒

漢書

觸屏御史大夫陳萬年子咸亢直有異才萬年常召咸  
於床下教戒之咸睡頭觸屏風萬年怒之咸叩頭謝曰  
具曉所言大要教咸諂也萬年因不復言

上

頭為白岑彭引兵從車駕破天水與吳漢圍隗囂於西

城勅彭曰兩城若下便可將兵南擊蜀虜人苦不知足

既平隴復望蜀每一發兵頭鬢為白

東觀漢記

長頭賈逵自為兒童常在大學不通人間事身長八尺

二寸諸儒為之語曰問事不休賈長頭

後漢書

設祭袁紹辟牽招為督軍從軍紹卒事袁尚後遼東送

尚首懸在馬市牽招觀之悲感設祭頭下太祖義之

魏志

夢生角魏延字文長義陽人延夢頭上生角以問占夢

趙直直告人曰角之為字刃下用也頭上用刃其凶甚

矣延後果誅楊儀踰延頭曰庸能復能作惡不

蜀志

落頭秦時南方有落頭民其頭能飛其種人部有祭祀  
號曰蟲落故因取名焉吳時將軍朱桓一婢每夜卧後  
頭輒飛去或從狗竇或從天窗中出入以耳為翼將晚  
復還數數如此傍人怪之夜中照視唯有身無頭其體  
微冷氣息纔屬乃蒙之以被至曉頭還礙被不得安兩  
三度墮地噫咤甚愁而其體氣急狀若將死乃去被頭  
復起附頸有頃平和桓以為巨怪不敢畜乃故遣之

神搜

記

占城國即什書所言王舍城也有尸頭蠻本人家婦女但眼無瞳人為異夜寢則頭飛去食人家小兒冀尖被妖風侵腹必死飛頭回合其體如舊前知而俟頭飛去移體別處回不能合則死人家有此若不報官除殺

者罪及一家

瀛涯  
勝覽

玉枕劉壽少時遇相師曰君腦有玉枕必至公也後至

太尉

長沙著  
舊傳

照鏡不見蒼梧太守吳臣據郡邑不恭王命孫權遣步

隲為交州喻臣臣照鏡不見其頭隲因入斬之

王隱  
晉書

頭在樹上甘卓還襄陽意氣騷擾舉動失常自照鏡不

見其頭視庭樹而頭在樹上心甚惡之

晉

甘卓為楊威

將軍歷陽內史郡人陳訓私語人曰甘公頭低視仰目

中有赤脉當厄於兵勿為將可也果為王敦所害

上

巾壘杵秦始皇元年頭責秦子羽曰吾託子為頭萬有餘

日矣大塊稟我以精造我以形我為子置髮膚置耳鼻耳

安眉須插牙齒眸子攝光雙顧隆起每至出入之間遨

遊市里行者辟易坐者踈跽或稱君侯或言將軍捧手  
傾側佇立崎嶇如此者故我形之足偉也吾欲告爾以  
養性誨爾以優游而以蟻蝨同情不聽我謀悲哉俱寓  
人體而獨為子頭且擬人其倫喻子儕偶子不如太原  
溫潁潁川荀寓范陽張華士卿劉許南陽鄒湛河南鄭  
誦此數子者或蹇喫無宮商或兀陋希言語或淹伊多  
姿態或謹謹少智諳或口如含膠飴或頭如巾壘杵而  
猶文采可觀意思詳序攀龍附鳳並登天府夫舐痔得

車沈淵得珠豈若夫子徒令脣舌腐爛手足沾濡哉

世說

縮頭祖廣字淵度行恒縮頭詣桓南郡始下車桓曰天

甚清朗祖叅軍如從屋漏中來

上

易頭河東賈弼之晉義熙時為琅琊府叅軍夜夢一人  
面瘡皤甚多鬚大鼻閭目請之曰愛君之貌欲易君頭  
可乎弼曰人各有頭面容有此理明日又夢意甚惡之  
乃于夢中許之明日朝起自不覺而人悉驚走藏云那  
漢何處來弼取鏡自看方知怪異因還家家人悉驚入



內婦女走藏云那得異男子弼坐自陳說良久併遣至  
府檢閱方信後能半面笑半面啼兩手足及口中各捉  
一筆俱書辭意皆美皆為異也餘並如先俄而安帝崩

恭帝立

幽明  
錄

尖頭古弼為尚書令大武大閱將校獵於河西弼留守  
詔以肥馬給騎人弼命給弱者世祖大怒曰尖頭奴敢  
裁量朕也朕還臺先斬此奴弼頭尖世祖常名之曰筆  
頭是以時人呼為筆公後世祖云筆公必不與我

魏書

范長頭范岫長七尺八寸姿容奇偉范雲謂人曰諸君  
進止威儀當問范長頭以岫多識前代舊事也

南史

角出高祖生馮翊波若寺皇妣抱帝忽見頭上角出遍  
身鱗起大駭墜帝於地為人龍顏額上有五柱入頂目

光外射有文在手曰王

隋紀

三首三首國其為人一身三首

山經

九首共工之臣曰相柳氏九首以食于九山

上

魂兮來

歸若無上天些一夫九首拔木九千些

楚辭

三台頭為三台君

洞神經

崑崙太一流珠安崑崙

黃庭內經

子欲不死脩崑崙

上外經

注

頭為崑崙

高臺頭為高臺腸為廣野

上

泥丸一面之神宗泥丸腦神經根字泥丸

黃庭經

腦神名

覺元子字道都

神回元經

斷頭易冠今有人於此斷頭以易冠殺身以易衣世必

惑也是何也冠所以飾頭衣所以飾身今殺所飾而要

所以飾則不知所以為矣世之趨利似此亦不知所為也呂覽

面

顏面面顏前也顏眉目之間也闕面不正也頤短面也

頤面黃也闕面瘦淺闕也赧面慙赤也

大宅靈宅既清玉帝游面為靈宅一名尺宅以眉目口鼻之所居故為宅大洞經云面為尺宅或為赤澤字黃庭

經太子陽氣見于眉宇之間浸淫而上幾滿大宅注大

宅面也

七發

神庭九華真妃云面者神之庭心悲則面憔悴有童面

之經

真誥

帝面蒼帝方面赤帝圓面白帝廣面黑帝深面

河圖

如生晉侯敗狄于箕先軫免胄入狄師死焉狄人歸其

元面如生

傳三十三

不同鄭子產曰人心之不同也如其面焉吾豈敢請子

面如吾面乎

襄六

長三尺衛靈公有臣曰公孫呂身長七尺面長三尺馬  
廣三寸鼻目耳具而名動天下

荀子

得艾楚白公作亂殺子西子期于朝而劫惠王子西以  
袂掩面而死葉公在蔡方城之外皆曰可以入矣及北  
門乃胄而進又遇一人曰君胡胄國人望君如望歲焉  
曰日以幾若見君面是得艾也

哀十六

有光孔子謂盜跖曰將軍身長八尺二寸面目有光脣  
如激丹齒如齊貝音中黃鍾而名曰盜跖丘竊為將軍

恥不取焉

莊子

絮履吳王將死曰吾以不用子胥言以至於今死者無知則已死者有知吾何面見子胥也遂蒙絮履面自刎

說苑

怒面田光曰竊觀太子客無可用者夏扶扶血勇之人怒而面赤宋意脈勇之人怒而面青武陽骨勇之人怒而面白光所知荆軻神勇之人怒而色不變

燕丹子

創面哀帝初即位博士申威毀給事中薛宣不供養行

喪服薄於骨肉不宜復列封侯使在朝省宣子況為右  
曹侍郎數問其語賅客揚明欲令創咸面目使不居位  
會司隸缺況恐咸為之遂令明遮砍咸宮門外斷鼻脣  
身八創事下有司況減死一等宣坐免為庶人

漢書

希見朱博為人廉儉不好酒色游宴自微賤至富貴食  
不重味案上不過三桮夜寢早起妻希見其面

上

創頰朱博為左馮翊長陵大姓尚方禁少時曹盜人妻  
見斫創著其頰府功曹受賂白除禁調守尉博聞知以



他事召見視其面果有癩博辟左右問禁是何等創也  
禁自知情得乃叩頭服博笑曰大丈夫固時有是因親  
以為耳目上

滅癩孔休守新都相休謁見莽莽緣恩意進其玉具寶  
劍欲以為好休不肯受莽因曰誠見君面有癩美玉可  
以滅癩欲獻其玉珮耳

犁面耿秉為征西將軍鎮撫單于以下及囊南單于舉

國發哀犁面流血

東觀漢記

半面應奉字世叔年二十時嘗詣彭城相表賀賀時出行閉門造車匠於內開扇出半面視奉奉即委去後數十年於路見車匠識而呼之

後漢書

聖面徐庶名福本單家子少好任俠擊劍中平末嘗為人報讐白聖突面被髮而走

魏畧

似驢諸葛恪父瑾面長似驢孫權大會羣臣使人牽一驢入長檢其面題曰諸葛子瑜各跪請筆續其下曰之驢舉坐歡笑乃以驢賜恪

吳志

灸面真女謝仙女者謝承孫也吳歸命侯采仙女充後

宮仙女乃灸面服醇醢以取黃瘦竟得免

會稽後賢記

不洗稽康性復疎嬾筋驚肉緩頭面常一月十五日不

洗不大悶癢不能沐也

絕交書

疵面趙孟字長舒入鋪尚書都令史善於清談有國士

之風其面有疵點諸事不決皆言當問疵面也

王隱晉書

最窟琅琊諸葛忘名而病鼠痿劉真長見歎曰鼠乃復

窟穴人面乎

郭子

白面陳郡謝石字石奴少患面創諸治莫愈乃自幽遠  
止於岩下中宵有物來舐其創隨舐隨除既不見刑竟  
為是龍而舐處悉白故世呼為謝白面

異苑

梨刺初王恭販梟首於東街王平之袖梨刺其面

晉書

紫面劉牢之面紫赤鬚目驚人而沈毅多計

如鐵劉裕於東府聚樗蒲大擲一判應至數百萬餘人  
並黑犢唯裕及劉毅在後毅次擲得雉大喜褰衣繞床  
叫謂同座曰非不能虛不事此耳裕因援五木久之曰

老兄試為卿答即成盧馬毅意殊不快然素黑其面如

鐵色焉

上

白面書生沈慶之謂帝曰耕當問奴織當問婢今論事

伐問白面書生事何由濟

宋書

如田明帝大會新亭接勞諸軍王携蒲暗官李安人五  
擲皆盧帝大驚目安人曰卿面方如田封侯狀也

上

作面劉瑀為右衛將軍因求益州甚不得意至江陵與  
顏峻書曰朱脩之三世叛兵一日居荊州青油幕下作

謝宣明面見向族叔秀之為丹陽瑀又與親故書曰吾家黑面阿秀遂居劉安衆處朝廷不為多士

南史

如刻畫崔陵字長儒狀貌偉麗善于容止李渾將聘梁名輩畢萃于詩酒正歡陵復到一坐無復談話鄭伯猷嘆曰身長八尺面如刻畫聲款為洪鐘響胷中著千卷

書使人那得不畏服

北史

破面齊東昏即位多行殺戮沈昭畧與沈大季徐孝嗣同名入省例賜藥酒昭各罵孝嗣曰廢昏立明古今令

典宰相無才致有今日即擲甌投孝嗣面曰使作破面

鬼

齊書

馬面斛律光字明月馬面彪身神爽雄傑少言笑工騎射初為侯景部下彭樂謂高敖曹曰斛律家小兒不可

三度將行後奪人名

北史

狹長宗如周南陽人有才學以府僚隨譽後至度支尚書如周面狹長蕭譽以法華經云聞經隨喜面不狹長嘗戲之曰卿何為謗經如周跋踏自陳不謗譽又謂之

如初如周懼出告蔡大寶大寶知其旨笑謂之曰君當  
不謗餘經正應不信法華耳如周乃悟

如虎袁天綱與韋挺游謂挺面如虎當以武處官挺善

隱太子薦為左衛率

唐書

似高麗楊再思張易之兄司禮少卿同休請公卿宴其  
寺戲曰公面似高麗

上

黃面兒賈鍊會曲江故事尹自門步入揖御史鍊騎而  
入御史揚儉蘇特因爭鍊曰黃面兒敢爾

上



白面兒劉鄩末帝遣使者監督其軍鄩召諸將謀曰主  
上深居禁中與白面兒謀必敗人事上

面部三無李寬為常侍有門下士姓盧善相或問李公  
如何曰據其面部所無者三無子無宅無塚公有數子  
皆先公卒有宅未嘗還鄉居死于池州乘舟歸舟破沈

其骨金華子

能寒人面獨能寒何也曰頭者諸陽脈之會也諸陰脈  
皆至頸項還不上獨諸陽一脈上頭故面能寒耳素問諸

陽之會皆在于面十二經脈三百六十五絡其血氣皆上于面而走空竅其精陽氣上走於目而為睛其別氣走於耳而為聽其宗氣上出於鼻而為臭其濁氣出於胃走脣舌而為味其氣之津液皆上燻于面而皮又厚其肉堅故天氣甚寒不能勝之也

靈樞經

飾面夫心猶面首也一旦不脩飾則塵垢穢之人心不思善則邪惡入之人盛飾其面而莫脩其心惑矣

蔡邕女戒

眉

娥媚眉媚也有娥媚也

釋名

華蓋眉號華蓋覆明珠明珠目也

黃庭經

八采堯眉八采

春秋元命苞

有古強者自云已四千歲云見

堯舜禹湯說之了了世云堯眉八采不然也直兩眉頭

甚豎似八字耳

抱朴子

虎眉文王虎眉

帝王世紀

十二彩孔子眉十二彩

世家

廣一尺伍子胥眉間廣一尺

吳越春秋

莫耶子赤鼻眉間一

尺

列仙傳

干將子赤鼻眉廣三寸

列士傳

去眉豫讓又漆身為厲滅鬚去眉自刑以變其容為乞

人而往乞

國策

盱衡陳崇奏莽功德曰盱衡振色振揚武怒孟康曰眉

上曰衡盱衡舉眉揚目也

漢書

揚雄謂揚眉曰揚衡

續博物志

赤眉天鳳五年樊崇起兵於莒王莽使平均公廉丹征之崇等欲戰恐其衆與莽兵亂乃皆朱其眉由是號曰

赤眉

東觀漢記

後書作赤糜

愁眉元嘉中京都婦女作愁眉啼粧折要步齟齬笑所謂愁眉者細而曲折啼粧者薄拭目下若啼處墮馬髻者作一邊折要步者足不在體下齟齬笑者若齒痛樂不欣欣始自大將軍梁冀家所為京都歛然諸夏皆放效天誠若曰兵馬將往收捕婦女憂愁蹙眉啼泣吏卒掣頓折其要脊令髻傾邪雖強語笑無復氣味也

後漢志

白眉蜀馬良字季常宜城人也兄弟五人並有才名鄉里為之諺曰馬氏五常白眉最良眉中有白毛故以稱

之 襄陽著  
舊傳

布置庾公道王尼子非唯事事勝於人布置鬚眉亦勝

人我輩皆出其轅下

林語

炙眉王澄在荊州終日酣飲不以衆務在意郭舒常切  
諫之荆土士人宗廡常因酒忤澄澄怒叱左右棒廡舒  
厲色謂左右曰使君過醉汝輩何敢妄動澄志曰別駕  
狂耶誑言我醉因遣搯其鼻炙其眉頭舒跪而受之澄  
意少釋而廡遂得免後事王敦諫敦敦曰平子以卿病

狂故拍鼻炙眉頭舊疾復發耶舒曰古之狂也直汲黯  
朱雲豈癡乎

伸眉頭宋王玄謨在雍州人間訛言欲反玄謨馳啟孝  
武具陳本末帝知其虛馳遣主書吳喜公慰撫之又答  
曰七十老公反欲何求聊復為笑想足以伸卿眉頭耳  
玄謨性嚴未曾妄笑時人言玄謨眉頭未曾伸故以此

見戲

南史

過目袁天綱帝在九成宮令視岑文本曰學堂堂夷眉

復過目文才振于天下

覆眼毛若虛眉毛覆於眼性殘忍天寶末為武功丞

眉宇房瑄見元德秀歎曰見紫芝眉宇使人名利之心  
都盡

通眉李賀字長吉為人纖瘦通眉長指爪能疾書

唐書

不伸郭崇韜莊宗思得高樓避暑乃遣王允平營之宦  
官曰郭崇韜眉頭不伸陛下雖欲有作其可得乎

五代史

目



默限目默也默而內識也眼限也瞳子限限而出也

釋名

目肝目肝之使

春秋元命苞

大目伏犧大目

孝經援神契

四目蒼頡四目是謂並明

春秋引演圖

舜瞳舜重瞳子是謂慈原上應提攝下應三元

元命苞

膠目管子縛束於魯鮑叔曰君欲霸王則臣不若管夷

吾桓公曰夷吾寡人之賊也射我者也不可鮑叔曰夷

吾為其君射人若得之則彼亦將為君射人君不聽鮑

叔固讓果聽之於是使告魯曰管仲寡人讐也願得而親加手焉魯許諾乃使吏韞其拳膠其目盛之以鳴夷置之車中至齊境桓公使人以朝車迎之

品覽

如星衛蒯賁亂子路與師往有狐黯者當師曰子欲入耶曰然黯從城上係麻繩釣子路半城問曰為師也耶為君耶曰在君為君在師為師黯因投之折其左股不死黯開城欲殺之子路目如明星之光曜黯不能前黯曰畏子之目願覆之子路以衣袂覆目黯遂殺之

論語  
隱義

河目夫子適周見萇弘言終退萇弘語劉文公曰吾觀  
孔仲尼有聖人之表河目而隆額黃帝之形貌也脩肱  
而龜背長九尺有六寸成湯之容體也

孔子

目論越王無彊與中國爭強北伐齊齊王使人說于越  
王越王不納齊使者曰幸也越之不亡也吾不貴其用  
智如目之見毫毛而不自見睫也今王知晉之失計不  
知越之過是目論也

史記

察毫離朱之明察毫末於百步之外下水尺不能見淺

深非目不明其勢難覩也

慎子

眇目田駟欺鄒君鄒君將殺之田駟恐告惠子惠子見鄒君曰有人見君則眇其一目奚如君曰我必殺之惠子曰瞽眇兩目君奚弗殺駟東欺齊侯南欺荆王駟之於欺人瞽也君奚怨乃弗殺

韓子

皆裂漢王詣鴻門謝項羽羽欲殺漢王樊噲帶劍擁盾入軍門披帷西向立瞋目視羽鬚髮上指目皆盡裂

史記

重瞳周生曰舜目蓋重瞳子又聞項羽亦重瞳子羽豈

其苗裔耶何興之暴也

上

顏回重瞳子

劉

王莽重瞳子

本傳

呂光字世明身長八尺四寸目重瞳子左肘有肉印

涼州

記沈約左目重瞳子腰有紫痣聰明過人好墳籍聚書

至二萬卷都下無比

梁

隋魚俱羅相表異人目有重瞳

言聞數百步陰為煬帝所忌梁敬真布旨奏殺之

北梁史

康王友孜目重瞳子嘗竊自負以為當為天子

五代史

李

煜重瞳子

南唐

懸珠東方朔上書云臣朔長九尺三寸目若懸珠齒如

編貝 漢書

生蛆杜根諫和熹鄧后以安帝宜親政事太后大怒囊

盛撲殺之根詐死三日日中生蛆 東觀漢記

目盲曹操與丁冲親善聞其子儀為令士欲以愛女妻

之五官將曰女人觀貌而正禮目不便恐愛女未必悅

也後儀到與論議曰丁掾好士也即使其兩目盲尚當

與女何況但眇 魏書李神儁沙苑之敗策眇馬而起曰丁

掾力馬倒曰丁掾誤我 北史十八

刮膜魏武帝病眼令華佗以金篦刮膜

出瞳景王嬰孩時有目疾宣王令華佗治之出眼瞳割

去疾而納之傳藥

沈約  
晉書

初司馬師目有瘤疾使醫割之

丈鴛之來攻也驚而目出懼六軍之恐蒙之以被痛甚

啣被而左右莫知馬遂卒

晉書

青白眼阮籍能為青白眼見禮俗之士以白眼對之及  
稽喜來吊籍作白眼喜不憚而退弟康聞之乃齎酒挾  
琴造馬籍大悅乃見青眼由是禮俗之士疾之若讎

爛爛王戎形狀短小眸子洞徹視日而眼照不虧裴楷見而目之曰戎眼爛爛如巖下電

閃閃裴令公有雋容姿一旦有疾至困惠帝使王夷甫往看裴方向壁卧聞王使至強回視之王出語人曰雙

眸閃閃若巖下電精神挺動體中故小惡

世說

眈眈石季龍時太子詹事孫珍問侍中崔約曰吾患目疾何方療之約素狎珍戲之曰溺中則愈珍曰目何可溺約曰卿目眈眈正耐溺中珍恨之以白石宣宣於諸



子中最胡狀目深聞之大怒誅約父子

載記

目痛方范甯字武子嘗患目痛就張湛求方湛因嘲之  
曰古方宋陽里子少得其術以授魯東門伯魯東門伯  
以授左丘明遂世世相傳及漢杜子夏鄭康成魏南堂  
隆晉左太沖凡此諸賢並有目疾得此方云用損讀書  
一減思慮二專內視三簡外觀四旦晚起五夜早眠六  
凡六物熬以神火下以氣從蘊於胃中也七日然後納  
諸方寸脩之一時近能數其目睫遠視及極之餘長服

金史四十一  
卷二十二  
不已洞見牆壁之外非但明目乃亦延年書

引刀刺血符生駭果粗暴嗜酒無賴祖洪甚惡之生無  
一目年七歲洪戲之間侍者曰吾聞瞎兒一淚信乎侍  
者曰然生怒引佩刀自刺出血曰此亦一淚也洪大驚

崔鴻十六  
國春秋

屍瞳明亮潯陽周虓字孟威晉康寧中鎮於巴西為符  
堅所獲守節不屈堅使使者道虓躬治達陌謂使者云  
煩君語賊符堅何至仰煩國士如此又潛圖襲堅堅聞

之曰小人正欲覓死殺之適足成名耳乃苦考楚不食而卒斂已經旬堅怒猶未歇剖棺臨視虺屍歎迴眸鬢髭張裂精瞳明亮迴盼矚堅堅覩而喜稱乃厚加贈賻

異苑

道眇輒泣宋袁粲初忤于孝武其母候乘輿出負磚叩頭流血磚碎傷目自此後粲與人語有誤道眇目者輒

涕泣彌目

南史  
十六

白虹貫日褚彥回美姿貌善容止時以方何平叔袁粲

曰褚公眼睛白多所謂白虹貫日亡宋者終此人也

上

謎眼魏威陽王元禧謀反道是左右惟尹龍虎從之禧  
近不知所為謂龍虎曰吾憤憤不能堪試作一謎當思  
解之以什毒悶龍虎欸憶舊謎云眠則俱眠起則俱起  
貪如豺狼賊不入已都不有心於規刺也禧亦不以為  
諷已因解之曰此是眼也而龍虎謂之是

魏書

大眼王肅弟秉之初歸國也謂大眼曰在南間君之名  
以為眼如車輪及見乃不異於人大眼曰旗鼓相望瞋

眸奮發足使君目不能視何必大如車輪

北史

千里眼楊逸為南秦州刺史為政愛人尤憎豪猾廣設耳目善惡畢聞其兵出使下邑皆自持糧人或為設食者雖在閤室終不敢進咸言楊使君有千里眼那可欺

之

魏書

眇目梁元帝武帝第七子也初武帝夢眇目僧執香爐稱託生王宮帝初生患眼醫療必增武帝自下意療之遂盲一目

南紀

劉諒字求信好學有文才為湘東王所善

王嘗游江濱歎秋望之美諒對曰今日可謂帝子降於  
北渚王有目疾以為刺已應曰卿言眇眇以愁予耶從  
此嫌之傳元帝一日失明深忌諱之為湘東王荆鎮州

嘗使博士講論語至于見瞽者必變色語不為隱帝大

怒乃酖殺之

廣異記

王偉協侯景謀謨其文檄並偉所製

景敗見禽上五百字詩于元帝帝愛其才將捨之朝士  
多忌乃請視偉作檄文云項羽重瞳尚有江東之敗湘  
東一目寧為四海所歸帝大怒殺之景傳元帝母阮脩容

曾失一珠元帝時幼竊吞之謂是左右所盜乃炙魚眼以厭之信宿之間珠遂便出帝尋一目致眇蓋魚之報也

韻對

邵陵王綸賦詩戲之曰湘東有一病非啞復非聾

相思下隻淚望直有全功  
眇速高澄賈子儒相之曰人有七尺之軀不如一尺之面一尺之面不如一寸之眼大將軍臉薄眇速非帝王相也果如其言

奕奕琅琊王儼武成帝第三子後主時儼惡和士開駱

提波奢恣二人相謂曰琅琊王眼光奕奕數步射人由

是忌之

北齊

青睛徐陵目有青睛時人以為聰慧之相也

南史五十二

眼方眼方者壽千歲陶弘景晚年一眼有時而方

仙書

視日不眩劉炫字光伯眸子精明視日不眩左手畫方

右手畫圓口誦目數耳聽五事同舉無所遺失

隋書

視遠劉焯字士元犀額龜背望高視遠與劉炫結盟為

友以儒學知名世稱二劉



黑白明澈李密額銳角方瞳子黑白明澈煬帝見之謂  
宇文述曰左仗下黑色小兒為誰曰蒲山公李寬子密

帝曰箇小兒瞻視異常無令宿衛

唐書

孔帖以方字帶下讀誤

白眼相公張公素允伸性暴厲眸子多白燕人號白眼

相公

新唐

紫光武攸緒晚年肌肉殆盡目有紫光晝見星月又能

辨數里外語

酉陽

目光如火郭子儀身長七尺二寸初在行伍李白容并  
州於哥舒翰座上見之曰此壯士目光如火照人不十  
年當擁節旄屢脫其刑責翰因署為牙門將後子儀勘  
定安史之亂歷諸道節度及永王璘及事于李白子儀  
請以官爵贖翰林上許之因而免誅

樂史  
序

四白裴珪妻張憬藏相之曰夫人目脣緩法曰目有四  
白五夫入宅夫人且得罪俄坐姦没入掖庭

如秋水賀知章見李泌曰此稚子目如秋水必一拜卿

相 鄴侯  
家傳

鼠目元載李揆為相苗晉卿數薦元載于李揆揆輕載  
地寒謂晉卿曰龍章鳳姿士不見用獐頭鼠目子乃求  
官耶後載聞銜之及秉政揆流落十六年

唐書

目禁闕播與盧杞論事帝前播意不可避坐欲有所言  
杞目禁輒止

眼語韓建昭宗東遷建從至洛昭宗舉酒屬朱溫與建  
曰遷都之後國步小康社稷安危繫卿兩人次何皇后

舉觴建躡朱溫足乃陽醉去建出謂朱溫曰天子與宮人眼語幕下有兵仗聲恐公不免也太祖以故尤德之

五代史

獨眼龍李克用少驍勇軍中號曰李鷓兒其一目眇及其貴也又號獨眼龍蓋威名蓋於代北上王延稟審知

之養子眇一目人亦謂之獨眼龍後為延鈞所殺五國故事

陽疾楊行密為吳王其妻兄朱延壽為壽州節純潛以宗姓通于梁祖將規淮南行密謀之且慮名之不至乃

陽為目疾每接延壽使者必錯亂其所見以示之嘗行  
故觸柱而仆凡三年其妻旦夕視其動靜以為信至於  
私於僕隸悉避餘人唯不避行密密一日謂其妻曰吾  
目疾不瘳矣請兒且不克省軍府之事當屬於舅汝宜  
名之其妻自以書召延壽既至行密處正廳潛兵以見  
之俄而開目曰數年不見舅今旦果相覩延壽惶駭遂  
叱勇士執而殺之仍廢其妻焉

五代史五  
國故事

去瘡錢鏐年老一日失明中朝國醫胡某曰可無瘳此

當延五七歲壽若決膜去內障眼即復舊但慮損福銀  
曰吾得不為一目鬼於地下足矣醫為治之復故凡賂  
醫金帛計五萬緡未幾鏖卒

諺苑

夜光張彥澤為人駭悍殘忍目睛黃而夜有光顧視如  
猛獸以善射為騎將數從莊宗明宗戰伐

五代史

瞬如電吳主昇身長七尺姿貌瑰特目瞬如電語音厚

重望之懾人與語可愛

五國故事

鬼眼陶穀少時夢數吏云奉符換眼吏附耳求錢十萬

安第一眼穀不應又云錢五萬安第二眼復不答吏曰  
上安第三眼即以二彈丸納眼中既覺眼色深碧後有  
善相道士陳紫陽曰好貴人貴氣奈一雙鬼眼竟不至

大位

卓異記

太祖嘗謂陶穀一雙鬼眼

畫設錄

木晴周寶唐立武選以高上擊毬較其能否而黜陟之  
至有致鐵鈎于毬仗以相擊寶嘗與此選為鐵鈎所摘  
一目暗失寶取晴吞之復擊毬獲頭籌遂授官原勅賜  
木晴以代之一日晨起漱木晴墜水棄之侍姬竊笑寶

怒曰瞎漢何足笑遂殺之注木睛莫知何木置中無所礙視之如真睛矣

吳越  
情史

眼多白李承之在仁宗朝官州縣因邸吏報包拯拜參政或曰朝廷自此多事矣承之正色曰包公無能為今知鄆縣王安石者眼多白甚似王敦他日亂天下者此人也

邵氏聞  
見錄

潘陽仲見王敦小時謂曰君蜂目已露但

豺聲未振耳必能食人亦當為人所食

世語

楚令尹子上

謂世子商臣蜂目而豺聲忍人也不可立也

左文  
元



抗陽蔡京嘗入朝已立班上御殿差晚杲日照耀衆莫  
敢仰視京注目久而不瞬或曰大貴相也陳子翁曰貴  
則貴矣然區區精神敢抗太陽他日得志必無君為天  
下患也

百家  
詩序

秦檜眼有夜光

身鏡眼者身之鏡視多則鏡昏妾有磨鏡之石

真  
語

眼神眼神明上字英玄

黃庭

目神名虛監生字道童

神回  
元

銀海肩為玉樓眼為銀海

道經

亦曰銅關

眼泉鮑溶詩謂淚曰眼泉

三水  
小牘

養目凡視五色皆損目惟黑色無損李氏有江南日中  
書皆用皂羅糊屏風所以養目也

倦游  
雜錄

昧襄王將以狄伐鄭富辰諫曰目不別五色之章為昧

禧二  
十四五色令人目盲

老

失性有五一日五色亂目使人

目不明

莊

目不能決黑白之色則謂之盲盲則不能避

晝日之險

韓解  
老

見百步目見百步之外而不能見其皆

胡非  
子

楚莊王欲

伐越杜子諫曰王之伐越何也王曰政亂兵弱杜子曰

臣患知之如目也能見百步之外而不能自見其睫王之弱亂非越王之下也而欲伐越此知之如目也

韓子眼

能察天衢而不能用項領之間

抱朴子

不見太山夫目察秋毫之末而耳不聞雷霆之音耳調玉石之聲而目不見太山之高何則小有所志而大有

所忘也

淮南

察度察色單穆公曰夫目之察度也不過步武尺寸之

閒其察色也不過墨文尋常之閒

國語

耳

心候耳者心之候

元命苞

洗耳堯聘許由為九州牧由聞之洗耳於河

高士傳

耳長務光夏時人耳長七寸陽都女耳細而長衆皆言

此天人也

列仙傳

心樞景公將鑄大鐘單穆公曰夫耳目心之樞機也故

必聽酥而視正聽酥則聽視正則明

國語

耳塞梁亡自亡也酒于酒淫于色心昏耳目塞上無正

長之治大臣背叛民為寇盜梁亡自亡也

殺梁傳

三門老子耳有三門

瀨鄉記

老君耳長七寸

北朴子

免洗鵝冠子常居深山耳聾謂妻子曰吾免為巢由洗耳清溪

唾耳燕丹使田光往候荆軻值其醉唾其耳中軻覺曰

此出口入耳之言必大事也則往見光

列士傳

重聽黃霸為潁川太守長吏許丞老病聾督郵白欲逐之霸曰許丞廉吏雖老尚能拜起送迎頗重聽何傷且

善助之母失賢者意

顧見其耳曹公擒呂布布顧劉備曰玄德卿為上坐客  
我為降虜繩縛我急獨不可一言耶操曰縛虎不得不

急曹公欲緩之備曰不可公不見布事丁建陽董太師

乎操額之布目備曰大耳兒最叵信

英雄記

先主身長七

尺五寸垂手下膝顧自見其耳

蜀志

王蜀后主行方顧大

口垂手過膝顧目見耳

五代史

稱聾先主定蜀杜微嘗稱聾閉門不出丞相亮領益州

牧以微為主簿固辭舉而致之亮以微不聞人語坐上  
與書曰君但以德輔時耳不責君軍事君何為汲汲求

去乎

蜀志

枕流孫子荆年少時欲隱語王武子當枕石漱流誤曰  
漱石枕流王曰流可枕石可漱乎孫曰所以枕流欲洗  
其耳

世語

許由為堯所讓其友巢父責之由乃過清冷水

洗耳拭目曰向聞貪言負吾之友

逸士傳

天柱太尉劉壽少遇相師曰耳為天柱今君耳有城郭

必典家邦

長沙著  
舊傳

相望武皇帝李雄美容貌相工相之曰此君口如方器

耳如相望位必過二公不疑也

蜀書

垂肩王導多病每自憂慮陳訓曰公耳豎垂肩必壽亦

大貴

晉書

戲弄齊杜臺卿字少山為尚書左丞省中以其耳聾戲

弄之下辭不得理者至大罵臺卿見其口動謂為自陳

令史又不曉諭訓對往往乖越聽者以為嗤笑

北史



伴聾王笠不仕伴狂作聾每說話則畫字後隱嵩山隋文帝召不起

三耳秀才隋兗州佐史董慎性公直明法理一日出州門逢一黃衣使者曰太山府君呼君為錄事即內慎於大布囊負之既至府君命坐因與之論天曹疑獄慎舉張審通自代審通為狀申天曹天符下罰府君府君大怒審通即命左右取方寸肉塞却一耳遂無聞審通更為判申天曹允之府君悅命左右割下耳中肉令一小

鬼擘之為一耳安於審通額上既寤數日額角痒遂踴  
出一耳通前三耳而踴出者尤聰時人笑曰天有九頭  
鳥地有三耳秀才亦呼雞冠秀才者

幽怪錄

耳中天地薛君曹見二青衣駕赤犢出耳二童子曰兜  
玄國在吾耳中一童子傾耳示君曹乃別有天地花卉  
因捫耳投之至一都會城池樓堞窮極瓌麗因作思歸  
賦自童子耳中落

上

耳栢許公宇文述素好著奇炫耀時人又遇天寒雲定

興曰入內宿衛必當耳冷述曰然乃製挾頭巾令深栢  
耳人學之名為許公栢勢述大悅曰雲兄所作必能變  
俗我聞作事可法故不虛也

北史

無根袁天綱工相術馬周就之相天綱曰馬侍御伏犀  
貫腦兼有玉枕又背如負物當富貴不可言公面色赤  
命門色暗耳後骨不起耳無根只恐非壽者周後伍至  
中書令兼吏部尚書年四十八卒

唐舊

龜息李嶠幼有清才詣袁天綱綱曰郎君神氣清秀而

壽若不永母憂之天綱請同於書齋連榻而坐寢衮登床穩睡李獨不寢至五更忽睡衮適覺視李嶠無喘息以手候之鼻下氣絕初大驚怪良久偵候其出入息乃在耳中撫而告之曰得矣遂起賀其母曰數候之皆不得今方見之矣郎君必大貴壽是龜息也貴壽而不富

耳後果如其言

定命錄

驢耳汴州節度李忠臣嘗因奏對德宗謂之曰卿耳甚大貴人也忠臣對曰臣聞驢耳甚大龍耳即小臣耳雖

大乃聵耳也上悅之

上

耳冷孟弘微對宣宗曰陛下何以不知有臣不以文字  
召用帝怒曰朕耳冷不知有卿翊日喻輔臣曰此人躁  
妄欲求內相乃黜之

缺左商成已生而缺左耳

通人老子曰言者所以通已於人也聞者所以通人於  
已也既聞且聵人道不通故有聞聵之病者莫知事通  
豈獨形骸有聞聵哉心亦有之塞也莫知所通此聞聵

之類也

文子

神聽文子問道老子曰學問不精聽道不深凡聽者將以達智也將以成行也將以致功名也不精不明不深不達故上學以神聽中學以心聽下學以耳聽以耳聽者學在皮膚以心聽者學在肌肉以神聽者學在骨髓故聽之不深即知之不明知之不明即不能盡其精不能盡其精即行之不成

上

豆塞夫耳之主聽目之主明一葉蔽目不見太山兩豆

塞耳不聞雷霆道閉而否未之聞也

鶴冠子

耳苦傾聽求聲者則耳苦而目樂定心管物者則神勞而形安同在一身之上而休戚異者是天理殊宜造化自隔

身牖九華真妃曰耳者身之牖聽衆則牖閉妾有決牖

之術

真誥

嬌女耳神空閑字幽田

黃鹿經

嬌女窈窕翳霄時真誥曰

嬌女耳神名

耳相耳門不容麥百歲

樊氏相法

耳門小富而怯

相書

垂肩珠崖儋耳其渠師耳垂肩三寸

後漢

為翼南方落頭民其頭能飛以耳為翼

博物志

龍虎沐胥國人左耳中出青龍右耳中出白虎龍虎初

出之時如繩緣頰手特面如龍虎皆飛去地十餘丈而

雲氣繞龍風吹虎俄而以手一揮龍虎皆還入其耳

王子

年拾遺錄

鼻



心門鼻者心之門

養生經

鼻者肺之使

白虎通

天臺天中之岳謂鼻也一名天臺

黃庭經

玉壘鼻神玉壘字靈堅亦曰玉虛

上

鼻神名沖靈玉字

道微

四命

山源鼻中隔之際名曰山源山源者一名鬼井一名神

池一名邪根一名魂臺也

真誥

虎鼻伏羲山準禹虎鼻

援神契

夏禹蛇身人面牛首虎鼻

而有大聖之德

列子

叩鼻邪婁人執甌子用之社蓋叩其鼻以血社也

公羊傳

鼻柱老子鼻柱

潁鄉北

彈鼻蘇子南使齊謂齊王曰臣聞當世之舉王必誅暴

正亂今宋王射天笞地鑄諸侯之像使侍屏匡展其臂

彈其鼻此天下無道而王弗伐王名終不成矣

策國

聖鼻莊子過惠子之墓顧謂從者曰郢人堊漫其鼻端

若羽翼使匠石斲之匠石運斤成風聽而斲之盡堊而

鼻不傷郢人立不失容宋元君聞之名匠石曰嘗試為

寡人為之匠石曰臣則嘗能斲之雖然臣之質死久矣  
自夫子之死也吾無以為質矣吾無與言之矣

莊子

鼻醜秦割國之君剝殺其民於是赭衣塞路有鼻者醜  
故百姓鳥驚獸駭不知所歸命

崔寔政論

長準始皇蜂目長準蓋鼻高起

史注

隆準高祖為人隆準而龍顏

史記

嶽鼻衛太子嶽鼻太子來省疾至甘泉宮江充告太子  
勿入陛下有詔惡太子鼻嶽尚以紙蔽其鼻充語武帝

曰太子不欲聞陛下膿鼻故蔽鼻武帝怒太子太子走

還

三輔  
故事

氣戶太尉郵壽少遇相師相師曰凡鼻為氣戶君鼻大

貴之象也

長沙著  
舊傳

廣莫顧長康拜桓宣武墓作詩云山崩溟海竭魚鳥將  
何依人問之曰卿憑重桓乃爾哭之狀其可見乎顧曰

鼻如廣莫風眼如懸河決溜

世語

鼻音謝安本能為洛下書生詠有鼻疾故其音濁名流

愛其詠而弗及或掩以効之

面山康僧淵目深而鼻高王丞相每調之僧淵曰鼻者

面之山目者面之淵山不高則不靈淵不深則不清世說

臚鼻宋廢帝常入武帝廟指其畫像曰此渠不好色不

擇尊卑顧謂左右渠大臚鼻如何不臚即令畫工臚數

世臚王慧龍愉之孫也幼聰慧愉以為諸孫之龍故名

焉避劉裕之難奔魏崔浩弟恬聞其為王氏子以女妻

之浩既婚姻及見慧龍信王家子也王氏世臚鼻江東

謂之臙王慧龍鼻大浩曰真貴種矣

魏書

易鼻徐郎中筠少夢神人狀甚偉乎攜竹籃其中皆人  
鼻端視徐曰形像非薄但其鼻曲而小吾與若易之遂  
于籃中擇一鼻先剝徐鼻擲去以所擇鼻安之仍以手  
指周固四際夢中亦覺痛楚神笑曰好一正即鼻也徐  
之鼻素隆不正自夢易之後自然端直歷官駕部郎中

治平中卒

括異志

息主割鼻飴口喪其息主

大玄經

鸛鼻不知是為鸛人不知是非為閑

論衡

鰥鼻刺天王沈什時論鼻鰥鼻而刺天謂仰鼻也

上家下堯

口

言食口人之所以言食也

說文

言門口者言之門

周生烈子

機關口者機關也所以門閉情意也可以食不可以言

鬼谷子口者關也舌者機也出言不審駟馬不能追也

說苑

華池口為華池

養生要尹氏解

軍營軍營之中有甘泉軍營口也甘泉唾也

養生經

監謗厲王虐國人謗王王怒得衛巫使監謗者召公曰  
是障之也防民之口甚于防川川壅而潰傷人必多民  
亦如之是故為川決之使尊為民者宣之使言民之有  
口猶土之有山川也夫民慮之於心而宣之於口成而  
行之胡可壅也若壅其口其與能幾何王弗聽於是國  
人莫敢出言

國語

不闔桓公與管仲謀伐莒未發已聞於國東郭邾至公



問之曰子言伐莒者乎東郭曰然臣也君子善謀而小人善意臣視二君在堂上口開而不闔是言莒也舉手而指勢當莒也

管子

三緘孔子觀周入于太廟右陞之前有金人焉三緘其口而銘其背曰古之慎言人也戒之哉戒之哉無多言多言多敗無多事多事多患誠能慎之福之根也曰是何傷禍之門也強梁者不得其死好勝者必遇其敵夫江河長百谷者以其卑下也戒之哉戒之哉孔子顧謂

弟子曰小子識之此言實而中情而信行身如此豈以

口遇禍哉

說苑

襄州穀城縣城門外道傍石人缺剝腹上

有字云磨堯韃慎勿言是亦金人之流也

浮休間  
目集

方口李母碑曰老子方口

潁鄉  
記

海口孔子海口言若含擇

援神  
契

斗繞子貢山庭斗繞口謂面有三庭言山在中鼻高有

異相也故子貢至孝顏淵至仁

論語  
輔相

口說哀公問取人之法孔子對曰毋取拊者無取健者

母取口銳者柑者大給利不可盡用使者必欲兼人不  
可以為法也口銳者多誕而寡信後恐不驗也說無取  
捷捷無取鉗鉗無取啍啍捷捷貪也鉗鉗亂也啍啍誕  
也家語

口臭越王勾踐入臣於吳吳王病入問病適遇吳王之  
便太宰嚭奉溲惡以出勾踐以手捧其便與惡而嘗之  
後遂病口臭范蠡令左右食岑草以亂其氣吳越

天口齊田駢游稷下好談論號天口言不可窮盡七

虎口秦始皇虎口日角

河圖

口吃韓非口吃不能道說而善著書

史記

司馬相如口吃

而善著書

漢書

期期周昌為人吃高帝欲廢太子昌曰臣口不能言然臣期期知其不可陛下欲廢太子臣期期不奉詔上欣

然而笑即罷

漢書

乳晁漢王擊魏豹謂酈食其曰魏大將者其人為誰曰

栢直也漢王曰是口尚乳晁

漢書

從理入口周亞夫為河內守許負相之曰君當封侯而  
餓死亞夫曰既已貴又何說餓死指視我負指其口曰  
從理入口此餓死法也

漢書

不能劇談長安有儒生曰惠莊聞朱雲折五鹿充宗之  
角乃歎息曰粟犢反能爾耶吾終恥溺死溝中遂裹糧  
從雲雲與言莊不能對逡巡而去拊心謂人曰吾口不  
能劇談此中多有

西事  
雜記

揚雄口吃不能劇談而好深湛

之思

哆口王莽為人哆口

漢書

無擇言馬援在交趾還書戒兄子曰龍伯高敦厚周慎

口無擇言謙約節儉廉公有威吾愛之重之

後漢

方口明德馬后身長七尺三寸青白色方口美髮

東觀漢記

舍香桓帝時侍中刁存年著口臭上出雞舌香使舍之

自疑有過賜毒歸舍辭訣欲就便宜賴僚友求眎其藥

更為舍食意遂解

漢官儀

大口孫堅為下邳丞時孫權生方頤大口目有精光堅

異之以為有貴像

江表傳

艾艾鄧艾以口吃不得作幹佐為稻田守叢草吏

魏志嘗

語稱艾艾晉文王戲之曰卿云艾艾定是幾艾對曰鳳

兮鳳兮故是一鳳

世說

雌黃王衍善談老莊義理有所不安隨即更改世號口

中雌朝野翕然謂之一世龍門矣

晉書

食不知口司馬流與蘇峻戰食不知口處

下動申弼烈祖常從容問諸侍臣曰夫口以下動乃能

制物鐵鎖為用亦噬嗑之意而從上下何也弼答曰口

之下動上使下也鐵鎖之用上斬下也烈祖稱善

燕書

宜飲謝朓出為吳興郡守與弟淪於送別朓指淪口曰

此中唯宜飲酒

南史

度啟公焦度為人質直木訥口不能出言欲就齊高帝

求州比見竟不涉一語後求竟陵郡不知所以置辭親

人授之百餘言於大衆中欲自陳臨時卒忘所教乃大

言曰度啟公度啟公度無食帝笑曰卿何憂無食即賜



米百斛上

酌據精悉崔慰祖字悅宗沈約謝朓嘗于吏部省中賓友俱集各問慰祖地里中所不悉十餘事慰祖口吃無華辭而酌據精悉一坐稱服之朓歎曰假使班馬復生無以過此

南齊書

讀謝詩梁高祖重陳郡謝玄微詩常曰不讀謝詩三日

覺口臭

談藁

吃怒效已後周鄭偉姓吃當逐鹿於野失之過牧豎而

問馬牧豎答之其言亦吃偉怒謂其效已遂射殺之其

忍暴如此

傳二十八

木丸室郝象賢為太子通事舍人后素銜處俊因事誅  
之臨刑極罵乃死自是訖後世刑人必先以木丸室口  
云

口過宋之問天后朝求北門學士不許作明河篇以見  
志則天見其詩謂崔融曰非不知宋之問有奇才但恨  
有口過耳宋終身慚憤口過謂口臭也

雞鳴唐華原令崔思海口吃每共表弟杜延業遞相戲  
弄杜嘗語崔云延業死遣兄作雞鳴但有所問兄即須  
報旁人云他口應須自由何得遣人驅使若不肯作何  
能遣之杜即云能得既而旁人即共杜私賭杜將一把  
穀來崔前去此是何物崔云穀穀旁人大笑因輸延業

啟顏  
錄

鉗口元載引用私黨懼朝臣論奏其短乃請百官凡欲  
論事皆先白長官長官白宰相然後上聞顏真卿上疏

曰朝廷開不諱之路猶恐不言況懷厭怠令宰相宣進  
止御史臺作條目不得直進從此人不奏事矣陛下聞  
見止於數人耳目天下之士方鉗口結舌陛下漸成孤  
立後悔無及矣

唐書

稜等登唐世進士及第放榜訖則須謁宰相其導答詞  
語一出榜元俯仰疾徐尤宜精審時盧肇首冠有故不  
至次乃丁稜稜口吃又形體小陋迨引見則俯而致詞  
意本言稜等登科而稜頽然汗發鞠躬移時乃曰稜等

登稜等登竟不能發其後語而罷左右皆笑翌日友人  
戲之曰聞君善箏可得聞乎稜曰無之友人曰昨日聞  
稜等登稜等登豈非箏聲耶

王泉子

談辯風生孫晟口吃遇人不能道寒暄已而坐定談辯

風生聽者忘倦

南唐

嘲吃王汾口吃劉攽嘲曰恐是昌家又疑非類不見雄

名唯聞艾氣以周昌韓非揚雄鄧艾皆吃也

倦游錄

如鼻東脩之業其上在於不言其次在於寡知也故諺

曰使口如鼻至老不失

杜如  
體論

口銘神以感通心由口宣情莫多妄口莫多言病從口

入禍從口出存亡之機開闔之術

子傳

脣

脣吻脣緣也口之緣也吻免也入之則碎出則免也又  
取放也漱唾所出恒加放拭因以為名也

釋  
名

呬謂之吻

舌藩脣者舌之藩

周生  
烈子

齒垣脣者齒之垣所以扶神設端若有列星外有限故

曰脣亡齒寒

元命苞

斗脣仲尼斗脣吐教陳機授度

孝經鈞命決

反脣張蕩與顏異有隙人有告異以他事議下湯治異云異與容語云初令下有不便者異不應微反脣湯奏異九卿見令不便不入言而復誹論死自是後有復誹

之法

漢書

弄脣樊伯顧能弄脣吻實無才畧

兔缺魏詠之字長道生而兔缺有善相者謂之曰卿當

富貴年十八聞荊州刺史殷仲堪帳下有醫能療貧無  
行裝謂家人曰殘醜如此用活何為遂齋數斛米西上  
以投殷仲堪仲堪嘉其意召醫視之醫曰可割而補之  
但須百日進粥不得笑語詠之曰半生不語而有半生  
亦當療之況百日耶仲堪於是處之別屋療之詠之遂  
閉口不語惟食薄粥其勵志如此

晉書

騰蛇騰蛇鎖脣梁武飢亡臺城上騰蛇即法令紋也梁  
武帝都建康為侯景逼臺城飲膳被景裁損帝憂憤成



疾口苦索蜜不得再曰荷荷遂殂

神異賦

補脣方干為人脣缺有司以為不可與科名連應十餘  
舉遂隱居鑑湖後數十年遇醫補脣年已老矣人號曰  
補脣先生又性好侮人嘗與龍丘李主簿同酌李目有  
翳干改令譏曰措大喫酒點鹽軍將喫酒點醬只見門  
外著籬未見眼中安障李答曰措大喫酒點鹽下人喫  
酒點鮓只見手臂著欄未見口脣開袴

撫言

齒

毀齒亂毀齒也男八月生齒八歲而亂女七月生齒七

歲而亂

說文

長幼齒始也少長之別始乎此也以齒食多者長食少

者幼也

釋名

身實夫齒者年也身之實也藏之斧擊所以調諧五味

以安性氣者也

楊泉物  
理論

東度帝嚳駢齒

河圖  
矩起

帝駢駢齒上法曰叅東度成紀以

理陰陽

白虎  
通

駢齒武王駢齒是謂剛強取象參房誅害以從天心

元命

苞房為明堂主布政參為大辰生斬刈兼此二者故重

齒為表

注

夫子駢齒象鈎星也

孝經鈎命決

牽折陳僖子使召公子陽生立之將盟遂誣鮑子曰子  
之命也鮑子曰汝忘君之為孺子牛而折其齒乎孺子  
茶也累公後銜繩為牛使茶牽之恭須地救折其齒也

左傳

摺齒范睢事魏中大夫須賈賈使齊睢從齊襄王聞睢

辨賜金及牛酒賈以為睢持魏陰事告齊故得此饋以

告魏相魏齊大怒使舍人笞擊睢折脇擢齒睢佯死

史記

無齒張蒼長八尺餘免相後老口中無齒食乳女子為

乳母妻妾以百數嘗孕者不復幸年百餘歲而卒

上

梭折謝鯤隣家高氏女有美色鯤嘗挑之女梭折其  
兩齒時人語曰任達不已幼輿折齒鯤聞之傲然長嘯

曰猶不廢我嘯歌

齒疾温嶠先有齒疾因拔中風而卒

晉書

相須王子猷詣謝萬林公先而坐瞻矚甚高王曰若林公鬚髮並全神情當復勝此不謝曰脣齒相須不可以偏七鬚髮何關於神明林公意甚惡曰七尺之軀今日

委君二賢

世說

狗竇張玄之年八歲虧齒先達知其不常故戲之曰君口中何為開狗竇張應聲答曰正使君輩從此中出入

上

利齒簡文在殿上行右軍與孫興公在後右軍指簡文

語孫曰此噉名客簡文顧曰天下自有利齒兒後王光  
祿作會稽謝車騎出曲阿祖之王孝伯罷祕書丞在坐  
謝言及此事因視孝伯曰王丞齒似不鈍王曰不鈍頗  
亦驗上

齒冷隆昌末樂預謂丹陽尹徐孝嗣曰外傳藉藉似有  
伊周之事君蒙武帝殊常之恩荷託付之重恐不得同  
人此事人笑楮公至今齒冷無為効尤南史

智牙齊太上主生齲牙問於尚藥典御鄧宣以對太上

主怒而撻之中書監徐之才拜賀曰此智牙生者聰明

長壽太上悅而賞之

三國  
典畧

齒生則天春秋高左右不悟其衰俄而二齒生詔改元  
長壽李敬仁賀表云易有四營金牙為壽考之象詩具  
六義玉齒載神仙之謠還年而輔車不虧却老而瓠犀  
仍出堅而不詭聞於導養之方落而更生得自靈飛之  
散乞宣示海內仍錄付史官

擊墮張果帝謂高力士曰吾聞飲董無苦者奇士也時

天寒因取以飲果三進頽然曰非佳酒也乃寢頃視齒  
焦縮顧左右取鐵如意擊墮之藏帶中更出藥傳其斷  
良久齒已生粲然駢潔帝益神之

妨物元退處士年七十三口中無齒每磨裝胡餅疾齧  
如刃年少不及常言而今方知齒為妨物

齒碎張巡每戰大呼嚼齒皆碎及尹子奇視之其齒存  
者不過三四

唐書

晉黃頸處險而癭齒居晉而黃

養生論

醫說云晉地多東



人常置之懷袖中若粵人之噉檳榔味甘傷脾故齒黃也

齒落國人年五十以上四齒皆落將由地寒多障氣也

段園沙  
州記

齒黑屠移在海外以阜染齒因號黑齒異物志山梁氏泥

於西屠而染其齒表子正書

護牙溧水有伍牙山一名護牙輿地廣地云子胥伐楚還吳經此山故名伍牙建康志云俗傳伍子胥美齒牙

避楚至此恐為人所識以石擊毀其牙山神為震護之  
不毀因名護牙

堅齒或問堅齒之道答曰養以華池瀨以濃液永不動  
永不動次則服靈非散既脫更生

抱朴子

舌

舒洩舌洩也舒洩所當言也

釋名

四寸舌之為言達也陽立於三故舌在口中者長三寸

象斗玉衡陰合有四故舌論入溢內者長四寸

元命玉

衡三星也魁四星也

宋均注

和候舌者和之候也

養性經

舌出齊桓公約大臣具酒期以日中管仲後至桓公舉觴以飲之管仲半棄酒桓公曰期而後至飲而棄酒於禮可乎管仲對曰臣聞酒入舌出舌出者言失言失者身棄臣計棄身不如棄酒桓公笑曰仲父起就坐

說苑

示舌常捩有疾老子往問焉曰先生疾甚矣無遺教可  
以語諸弟子者乎常捩張其口而示老子曰吾舌存乎

老子曰然吾齒存乎老子曰亡常掇曰子知之乎老子曰夫舌之存也豈非以其柔耶齒之亡也豈非以其剛耶常掇曰嘻是已天下之事已盡矣無以復語子哉上

老子曰學於常掇見舌而守柔仰視屋樹退而因川觀

影而知持後子文

尚存韓平子問於叔向曰剛與柔孰堅對曰臣年八十矣齒再墮而舌尚存老聃有言曰天下之至柔馳騁乎天下之至堅又曰人之生也柔弱其死也剛強柔弱者

生之徒也剛強者死之徒也吾是以知柔之堅於剛也

平子曰善哉

說苑

七重仲尼舌理七重陳機授度

孝經鈎  
命決

不能為舌子思見老萊子老萊子曰若子事君將何以  
為乎子思曰順吾性情以道輔之無死亡焉老萊子曰  
不可順子之性也子不見夫齒乎齒堅剛卒盡相磨舌  
柔順終以不斃子思曰吾不能為舌故不能事君

孔叢  
子

舌在張儀嘗從楚相飲已而楚相亡璧門下意儀盜璧

共執儀掠笞數百不服釋之其妻曰子無讀書游說安  
得此辱乎儀張口曰視吾舌尚在否妻曰在也儀曰足

矣

記史

三寸平原君既已定從而歸至於趙曰毛先生以三寸  
之舌強於百萬之師記史蒯通謂韓信曰鄼生一士伏軾

掉三寸之舌下齊七十城上留侯曰今以三寸舌為帝

者師封萬戶位列侯此布衣之極於良足矣上

吞舌荆軻見燕太子太子曰田先生今無恙乎軻曰光

臨送軻之時言太子戒以國事恥以大夫而不見信向

軻吞舌而死矣

燕丹子

舌舉公孫龍口吐而不合舌舉而不下

莊子

切食東海公賓就斬王莽傳首更始懸宛市百姓共提

擊之或切食其舌

漢書

咋舌馬援與隗囂將楊廣書曰豈有知其一成而但萎

媮咋舌叉手從族乎

後漢

流血曹操與劉備密言備泄於袁紹紹知操有圖已之

意操自咋其舌流血以失言誠後世

英雄記

舌耕賈逵博通墳典門徒來學皆口授經文贈獻者積粟盈倉或云逵非力耕所謂誦經口倦世所謂舌耕也

拾遺記

妙舌沈友字子正弱冠博學多所貫綜善屬文辭又辯於口每所至衆人皆默然莫與為對咸言其筆之妙舌之妙刀之妙三者皆過絕於人

吳錄

竹樓諸葛誕殺樂綝有典農都尉數讒誕於是收而斬



之罵曰卿坐舌先人以竹攙其舌然後殺之

魏末傳

斷舌永嘉中有天竺胡人能斷舌先吐舌示賓客然後乃截血覆地乃取置器中傳以示人取舌還合有頃如

故

搜神記

拔舌温嶠密啟肅祖陳王敦敦聞曰果為小物所欺表誅奸臣以嶠為首募生得嶠者當自投其舌

中興書

舌強殷仲堪云三日不讀道德經便覺舌本間強

郭子

舌短南都王義宣生而舌短言澀

宋書

釘柱穎川王偉有才學為侯景左僕射景敗被擒送江陵湘東王欲活之左右妬其才乃曰為作檄文繹視之

大怒釘偉舌於柱

諫叢

錐刺賀若弼父敦以武烈知名任周宇文護忌而害之臨刑呼弼謂之曰吾以舌死汝不可不思因引錐刺弼

舌出血戒以慎口

隋書

不可禁張延賞怙權嫉柳渾遣親厚謂曰明公舊德第謹言于朝則位可久渾曰為吾謝張公渾頭可斷舌不

可禁卒為所擠

唐書

剪舌夔州道士王法朗舌長呼字不正乃日誦道德經

後夢老君剪舌

上

生毛馮延巳鎮臨川聞朝議已有除替一夕夢通舌生毛翊有僧解之曰毛生舌間不可刺也相公其未替乎

果已

南唐近事

三疊宋崔公度與文同嘗言為館職思同京南同曰吾聞人不妄語者舌可過鼻即吐其舌三疊之如餅狀引

之至眉間公度大驚即京中傳同死公度乃悟所見非

生者

文苑傳

同東坡從表兄也

舌端傳曰鳥之美羽勾啄者鳥畏之魚之侈口垂腴者

魚畏之人之利口臆辭者人畏之是以君子避三端避

文士之筆端避武士之鋒端避辯士之舌端

韓詩外傳

舌神通命字正倫

內經

舌神名始梁峙字道岐

髮

蒼華髮神蒼華字太元腦神精振字泥丸

內經

九華真妃

云髮者腦之華腦減則髮素妾有還白之法

真

髮神名

玄文華字道衡

髮與足齊帝嚳高辛氏娶於嬭氏女女生而髮與足齊

陸地能言乃納於帝

拾遺記

朱髮共工人面蛇身朱髮

歸藏啟筮

剪髮殷湯尅夏而大旱湯乃以身禱於桑林剪其髮自

以為犧牲祈福於上帝

品覽

斷髮子貢答太宰嚭曰大伯瑞委以治周禮仲雍嗣之

斷髮文身羸以為飾豈禮也哉

七 襄

太伯虞伯知古公欲

立季歷以傳昌二人亡如荆蠻文身斷髮以讓季歷

史記

種種齊侯田于莒盧蒲嬰見泣且請曰余髮如此種種

余奚能為公曰諾吾告二子歸而告之子尾欲復之子

雅不可曰彼其髮短而心甚長其或寢處我矣

二 昭

生白老聃初生而髮白故號老子

帝王世紀

髡髻衛桓公欲逐石圃圓攻公公入于戎州已氏初公

自城上見已氏之妻髮美使髡之以為呂姜髡也既入

馬而示之璧曰活我吾與女璧已氏曰殺女璧其馬往  
遂殺之而取其璧

哀十 髻髮也

進炙髮繞晉平公觴容少庶子進炙而髮繞之平公趣  
殺炮人母有反令炮人呼天曰嗟乎臣有三罪也而不  
自知乎平公曰何謂也對曰臣刃之利風靡骨斷而髮  
不斷是臣之一死也火炭炙之肉紅白而髮不焦是臣  
之二死也炙熟又重睫而視之髮繞炙而目不見是臣  
之三死也意者堂下其有翳憎臣者乎殺臣不亦蚤乎

韓非子文公之時宰臣上灸而髮統之上

斷髮公孫弘斷髮而為越王騎公孫喜使人絕之曰吾  
不與子為昆弟矣公孫弘曰我斷髮子斷頸而為人用  
兵我將謂子何周南之戰公孫喜死焉 上

遞剪張儀蘇秦二人共遞剪髮以相活或傭力寫書行  
遇聖人之文無以題記則以墨畫於掌內及股裏夜還  
更以竹寫之 拾遺記

衝冠簡相如使秦相如持璧却立倚柱怒髮上衝冠 史記



荆軻入秦取道而歌復為羽聲忼慷士皆瞋目髮盡上

衝冠國史作指冠

擢髮須賈使秦范雎謂賈曰汝罪有幾曰擢賈之髮以

續賈之罪尚未足也史記

被髮上敗彭城薛人丁固追上上被髮而顧曰丁公何

相急之甚乃罵而去上即位欲陳功上曰使項羽失天

下是子也為人臣兩心非忠也下吏笞之楚漢春秋

拭白漢元鼎間郵支國貢馬肝石百升以之拭髮白者

皆黑帝坐羣臣於甘泉殿有髮白以此拭髮應手皆黑  
是時公卿語曰不願方伯惟願拭肝石

染髮更始元年置百官王莽聞之愈恐欲外示自安乃

染其髮鬢

漢書

四起髻馬皇后身長七尺二寸方口美髮為四起大髻  
但以髮成尚有餘繞髻三匝眉不施黛獨在眉角小結

補之如粟嘗稱疾而終身得意

東觀漢記

截髮供費樂羊學書其妻貞義截髮以供其費

列女傳

援劍割髮曹操嘗行經麥中令士卒無敗麥犯者死騎士皆下馬持麥以相付時操馬騰入麥中操曰制法而自犯之何以師下然孤為軍帥不可殺請自刑因援劍

割髮以置地

曹瞞傳

立髮委地明帝天姿秀出立髮委地口吃少言而沈毅

好斷

魏氏春秋

垂髮至地初武帝未為世子文帝問裴秀曰人有相不秀曰中撫軍垂髮至地伸手過膝非人臣之相也

王隱晉書

五截故中牟令蘇韶字孝先咸寧初亡諸子迎喪至襄  
城第九子節夢見鹵簿行列甚肅見韶曰卿犯鹵簿應  
髡刑節俛受剃驚覺摸頭得斷髮如大指大後又夢見  
韶截之節素美髮五截而盡 上

長七尺廣陵公陳遠妹才色甚美髮長七尺石虎以為

夫人 鄴中記

為髮陶侃少酷貧與母湛氏同居同郡范遠素知名舉  
孝廉投侃宿于時冰一積日侃室如懸磬而遠馬僕甚

多侃母湛氏語侃曰汝但出外留客吾自為計湛頭髮委地下為二髮賈得數斛米日夕遂設精食從者皆無所乏遠既歎其才辯又深愧其厚意及洛遂稱之於羊

倬顧榮諸人大獲美譽

世說

髮與身齊劉曜王子循風骨俊茂爽朗卓然身長八尺

三寸髮與身齊

載記

冠裂王遜為寧州刺史李雄將李驤寇寧州遜使姚崇拒戰大破之遜以崇不窮追執崇鞭之怒甚髮上衝冠

冠為之裂夜中卒

晉書

髮鬢謝靈運欲入遠公社遠公拒之曰子髮鬢而鬚美  
面與身戾非令終之相運怒曰學道在心安以貌耶遠  
公笑而不答後果如所料盧循反遠與之執手言笑知  
人之鑒何明于靈運而暗于循如此耶

高仲虛鈔  
書紀事

青青何長瑜臨川王義慶招集文士長瑜自國侍郎至  
平西記室叅軍嘗於江陵寄書與宗人何勗以韻語序  
義慶州府僚佐云陸展染鬢髮欲以媚側室青春不解

久星星行復出如此者五六句

宋書  
靈

拔白廢帝昭業高帝為相王鎮東府時年五歲戲床前  
高帝方令左右拔白髮問之曰兒言我誰耶答曰太翁  
高帝笑謂左右曰豈有為人作曾祖而拔白髮者乎即

擲鏡鑷

齊紀

宿白謝超宗下廷尉一宿髮白皓首

齊書

徐夤嘗有罪係

獄旦日原之而髮皓白武帝問其故曰臣思憊於內而  
髮變方外當時稱之

上

須鬢如畫簡文帝器宇寬弘尊嚴若神方頤豐下須鬢如畫直髮委地雙眉翠色項毛左旋連錢入背手執玉如意不相分辨眇眇則目光燭人讀書十行俱下

南史紀

惡白後梁蕭詵惡見人髮白事之者必方便避之擔輿者冬月必須裹頭夏月則加蓮葉帽

髮光可鑑陳后主張貴妃麗華髮長七尺鬢黑如漆其光可鑑容色端麗每瞻視眇眇光彩溢日照映左右

南史

身齊高祖太穆皇后竇氏毅之女也后生而髮垂過頸



三歲與身齊周武帝特愛重之養於宮中

舊唐

侍母髮白唐李日知神龍初為給事中母老病取急調  
侍數日鬚髮輒白

引刀斷髮玄宗貴妃楊氏天寶九載妃復得謫還外第  
帝感動輒食詔中人張韜光賜之妃因韜光謝帝曰妾  
有罪當萬誅然膚法外皆上所賜今且死無以報引刀  
斷一縷髮奏之曰以此留訣帝見駭悅遽召入禮遇如

初上

髮動顏杲卿初杲卿被殺狗首干櫛莫敢收有張湊者  
得其髮持謁上皇是昔見夢帝寤為祭後湊歸髮于其  
妻妻疑之髮若動云

氣攻軒轅先生居羅浮山宣宗召禁中問道術能散髮  
箕踞用氣攻其髮條條如鐵線直

大中  
遺事

長五尺李山甫美姿容而多髮翳然長五尺餘嘗沐後  
令二婢捧金盆承而梳之有客造焉見理髮趣出疑其

婦人山甫連呼之方悟

牧堅  
問談

中虛魏時有句驪客善用鍼取寸髮斬為十餘段以鍼貫取之言髮中虛也其妙如此

西陽

黑光如漆信都蘇氏巨室有十女擇良壻張文成往成蘇曰子雖有才不能富貴得五品官即死時魏知古方及第蘇曰此雖黑小必貴以長女妻之女髮長七尺黑光如漆相者云大富貴後知古拜相封夫人

脈望建中末書生何諷嘗買得黃紙古書一卷讀之卷中得髮捲規四寸如環無端諷因絕之斷處兩頭滴水

升餘燒之作髮氣諷嘗言於道者道曰吁君固俗骨遇此不能羽化命也據仙經曰蠹魚三食神仙字則化為此物名曰脈望夜以規映當天中星星使立降可求還丹取此水和而服之即時換骨上昇因取古書閱之數

處蠹漏尋義讀之皆神仙字諷方嘆伏

原化記  
酉陽

拳髮金鈎相士相文天祥云官雖極貴然當受極刑如其故云頂有拳髮此受刑之相也凡人若具此相無得免者

癸辛  
雜志

宋臧賢長六尺七寸出面露口頰頂拳髮後

以與南郡王義宣同謀敗走被殺依王莽事漆其頭藏

于武庫

南史

須髮為稍旄竟陵劉誕在廣陵左右直眠夢人告之曰  
官須髮為稍旄則覺已失髮矣如此數十人

續異記

### 髭鬚

髭鬚口上曰髭髭姿也為姿容之美也頤下曰鬚鬚秀也物成乃秀人成而鬚生也亦取須體幹長而後生也

在頰耳旁曰髯隨口動搖髯髯然也

釋名

委地庖羲鬚垂委地

世紀

有古彊者自言四千歲敢為虛

言云見堯為人長大美鬚髮

抱朴

生而有頽周定王六年秦人降妖曰周其有頽髭王亦

克能修其職至於靈王生而有頽王甚神聖

貼二  
十六

不舉

生鬚鬚子俗說人十四五乃當生鬚鬚今生而有人妨

害父母也謹按周書靈王生而有髭王甚神聖亦克脩

其職諸侯服享二世休和安在其有害乎

風俗  
通

于思宋城華元為植巡功城者謳曰睥其目皤其腹棄

甲而復于思于思棄甲復來宣思音顯多鬚之貌

長鬣楚子享公于新臺使長鬣者相好以大屈既而悔

之

七昭

滅鬣衛蒯賁亂子羔滅鬣鬣衣婦人之衣逃得出曰父

子爭國吾何為其間乎

幽通  
賦注

滅鬣稼讓吞炭漆身為厲人不識其形子貢滅鬣為婦

人不知其狀

論  
衡

宗炳答何承天難釋白黑論云顏天冉

疾由醢子族賜滅其鬣匡陳之苦不可勝言

弘明  
集

奮髯朱博為琅邪太守曹掾史皆移病卧博問其故對  
曰故事二千石新到遣吏致意乃敢就職博奮髯抵几曰  
觀齊兒欲以此為俗耶乃斥罷諸病吏白巾走出府門

郡中大驚

漢書

發兵為白岑彭吳漢國隗囂於西城公孫述將李育守  
上邽帝留蓋延耿弇圍之車駕東歸勅彭書曰兩城若  
下便可將兵南擊蜀虜人苦不知足既平隴復望蜀每

一發兵頭鬚為白

後



銜鬚温序拜謁者遷護羌校尉序行郡至襄武為隗囂  
將苟宇所拘劫宇謂序曰子若與我并威同力天下可  
圖也序大怒叱宇因以節撻殺數人宇曰此義士死節可  
賜以劍序受劍銜鬚於口顧左右曰既為賊所迫殺無  
令鬚汚土遂伏劍死上

諸毛統居先主與劉璋會涪時張裕為璋從事侍坐其  
人饒鬚先主嘲之曰昔吾家涿郡特多毛姓東西南北  
皆諸毛也涿令稱曰諸毛統涿居乎裕即答曰昔有作

上黨潞長遷為涿令去官還家時人與書欲署潞則失  
涿署涿則失潞乃署曰潞涿君先主無鬚故裕以此反  
之先主常銜其不遜後誅之

蜀志

虬鬚崔琰字季珪聲姿高暢眉目疎朗鬚長四尺甚有  
威重朝士瞻望而太祖亦嚴憚焉後有白琰怨謗者罰  
為徒隸使人視之辭色不撓太祖令曰琰雖見刑而通  
賓客虬鬚直視若有所瞋遂賜琰死

魏志

黃鬚任城王彰為北中郎將討烏桓有功歸太祖喜時

彰鬚曰黃鬚兒竟大奇也上太祖在漢中而劉備栖於

山頭使劉封下挑戰太祖罵司賣履舍兒長使假子拒

汝公乎待呼我黃鬚來令擊之彰鬚黃故以呼之

魏

于羝根黑山黃巾諸帥自相號字謂騎白馬者為張白

騎謂輕捷者為張飛燕謂聲大者為張雷公其饒鬚者

則自稱于羝根

典

多髯者謂之殺公

案字

美髯馬超來降關羽護前書問諸葛亮亮答書曰孟起

當與孟德並驅爭先未若髯之絕倫逸羣也羽美髯髯

故亮謂之髯

蜀志

紫髯張遼問吳降人曰向有紫髯將軍長上短下大便

馬善射是誰降人答曰是孫會稽也

獻帝春秋

帛纏張華為人多姿制又好帛繩纏鬚陸雲見而大笑

不能自己

晉傳

兩頭瓶鍾毓兄弟警悟過人每有嘲語未嘗屈躓毓語會聞安陸能作調試共視之於是與弟盛飾共載從東門至西門一女子笑曰車中央殊高二種都不覺車後

一門生云向已被嘲鍾愕然門生曰中央高者兩頭狹

毓兄弟多鬚故以此調之

世語

赤毫劉淵姿儀魁偉身長八尺四寸鬚長三尺餘當心

有赤毫毛三根長三尺六寸

晉載記

土污劉聰以讒慝故誅詹事曹光光臨刑舉止自若謂

刑者曰取席敷之無令土污吾鬚

前趙錄

長五尺劉曜身長九尺三寸垂手過膝生而眉白目有

赤光鬚髯不過百餘根而皆長五尺

晉載記

毛蠹東中郎叅軍周雅琰封蠶蛾鼓虫使璞射之璞曰射覆得此大落度必是蠶蛾及毛蠹雅琰饒鬚故曰以

調之也

郭璞  
洞林

內羊闌中滄陽令羊嗣貪而不治縣功曹吏共逐嗣嗣饒鬚乃以嗣內羊闌中始興太守尹虞聞之大怒手劔

功曹

節祭  
晉紀

蝟毛桓温少與沛國劉惔善惔常稱之曰温眼如紫石稜鬚以蝟毛磔孫仲謀晉宣王之流上

顏叅軍王珣郁超並有奇才為大司馬所眷拔珣為主簿超為記室叅軍超為人多須珣狀短小于時荊州為之語曰顏叅軍短主簿能令公喜能令公怒

世說

珠毛有人詣謝益壽云向在劉丹陽坐見一客珠毛謝曰正是我家阿瞻瞻多鬚故云爾

俗說

過滕謝靈運鬚美長至過滕臨刑施為南海祇洹寺維摩語像鬚寺中寶惜初不虧損中宗時安樂公主五日鬪百草欲廣其物色令馳騎取之又恐為他人所得因

剪棄其餘遂絕

國史纂  
異嘉話

比羊宋津武狎侮羣臣隨其狀貌各有比類多鬚者謂之羊顏師伯缺齒號之曰齟劉秀之儉吝呼為老慳黃門侍郎宗靈秀體肥拜起不便每至集會多所賜與欲其瞻謝傾賠以為歡笑

宋書

鬚落李元護為齊州刺史元護妾姬十餘聲色自縱情慾既甚支骨消削鬚長二尺一時落盡

魏書五  
十九

種鬚李庶以清辯每接梁客徐陵謂其徒曰唯有李庶



可語耳庶無鬚髯人謂天閻崔謚嘗翫庶曰教弟種鬚  
取錐刺而為竅以馬尾插之世傳諸崔多惡疾以湔沱  
河為崔氏墓田故庶答曰先以方回施貴族藝眉有效  
然後種鬚邢邵笑謂謚曰卿不詣李庶何故犯之

北史  
酉陽

截鬚許惇為司徒主簿以明斷見稱人號為入鐵主簿  
又美鬚髯下垂至帶省中號為長鬚公齊文宣常因酒  
酣握惇鬚髯稱美遂以刀截之惟留一握惇懼因而不  
敢復長時人又號為齊髯公

三國  
典畧

辨鬚鮑泉字潤岳少事梁元帝美鬚髯善舉止后以征

長沙不尅帝書責之云面如冠玉還疑木偶鬚似蝟毛

徒勞繞涿

南史

侯景使宋子仙等執梁湘東王世子方諸

及中撫軍長史鮑泉司馬虞預于郢州是日子仙等至

百姓奔告方諸以五色雜綵編鮑泉白鬚對之雙陸弗

之信也告者既衆方命閩門縣門未下子仙已入城方

諸等膜拜而鮑泉遁入床下子仙窺見泉素髯問綵疑

愕憚之及其被執莫不驚笑

三國典

命閉門賊已入城方

諸方踞泉腹以五色旤辨其鬚

南史

本出自骨王頌字景彥僧辨子也痛父為陳武帝所殺

隋開皇中獻取陳之策陳平召父時壯士潛發其陵剖

棺見陳武帝鬚皆不落其本皆出自骨中

北史  
十二

垂腰文中子之韓城自龍門闕先濟闕吏仇璋問賈瓊  
程元曰先濟者為誰吾視其穎頽如也重而不亢目燦  
如也澈而不瞬口敦如也闕而不張鳳頸龜背鬚垂至  
腰參如也是必有異人者也程元曰是王通者也

文中子

虬鬚太宗虬鬚嘗戲張弓挂矢好用四羽大筈長常箭

一膚射洞門闔

西陽

大好髭鬚太宗幸翠微宮授司農卿李緯為民部尚書

房玄齡時在京城留守會有自京師來者太宗問曰玄

齡聞李緯拜尚書如何對曰玄齡但云李緯大好髭鬚

更無他語太宗遽改授緯洛州刺史

唐書

剪鬚和藥李勣病驗方鬚灰可以燎之太宗乃自剪鬚  
為其和藥勣頓首見血泣以陳謝帝曰吾為社稷計耳

不煩深謝

上

少白裴洎入相之年纔四十四鬚髮盡白

南部新書

鬚生若鬣海州司馬韋教曾往嘉興道遇釋子希道深於繕生之術又能用日辰可代藥石見數鑷白日貧道為公擇日拔之經五六日僧請鑷其半及生色若鬣矣凡三鑷之鬚不復變座客有祈鑷者僧言取時稍差拔後髭色果帶綠其妙如此

荆鬚郭忠恕漢湘陰公辟從事宋太宗素聞其名召入

館于內侍竇神興舍怒先長髯而美忽盡剃鬚神興驚  
問之對曰聊以效顰耳神興怒白之除國子主簿

苑談

寘髯蔡君謨美鬚髯一日屬清閒之燕偶顧問曰卿髯  
甚美長夜覆之於衾下乎將寘之於外乎君謨無以對  
歸舍暮就寢思聖語以髯寘之內外悉不安一夕不能  
寢蓋無心與有心異也

鐵圍山  
叢談

婦有鬚李光進母李有鬚數十長五寸

忽生髭宣和六年都城有酒肆號豐樂樓酒保朱氏子

之妻年四十餘楚州人忽生髭長僅六七寸疏秀而美

宛然一男子特詔度為女道士

宋史

纏繩崔文仲祖思宗人也為徐州刺史嘗獻齊高帝纏

鬚繩一枚上納受之

宋史

### 頰頷

面旁頰面旁也輔頰也

說文

頰夾也面旁稱也頰養也動

於下止於上上下下咀物以養人也輔車其骨強所以輔

持口也或曰牙車牙所載也或曰頷頷含也口含物之

車也或曰頰車亦所以載物也

釋名

牙車頰車牙下骨之

名也頰之與輔口旁朋之名也蓋輔車一處分為二名

耳輔為外表車是內骨

左傳疏

鬻有美一人碩大且鬻

韓詩

鬻重頤也

薛注

相依晉侯復假道於虞以伐虢宮之奇諫曰虢虞之表也虢亡虞必從之諺所謂輔車相依唇亡齒寒者其虞

虢之謂也

五倍

策貫白公勝慮亂罷朝倒杖而策銳貫顙血流至于地



而不知鄭人聞之曰願之志將何為忘哉

韓愈  
老

燕頷班超字仲升為人大志不脩小節嘗行詣相者  
相者曰祭酒布衣諸生而當封侯萬里之外超問其狀

相者曰生燕頷虎頸飛而食肉此萬里侯相也

後漢

樹頰許子將棄貶不平以拔樊子昭而抑許文林劉暄  
曰子昭發自賈堅年至耳順退能守靜進能不苟濟答  
曰子昭誠自長幼完潔然觀其搖牙樹頰自非文休敵

也

蔣濟萬  
機論

益毛顧長康畫裴叔則頰上益三毛人問其故顧曰裴楷儁朗有識具正此是其識具看畫者尋之定覺益三毛如有神明殊勝未安時

世說

柱頰王子猷作桓卑騎參軍桓謂王曰卿在府久此當相料理初不答直高視以手版拄頰云西山朝來致有

爽氣

上

手

手掌手須也事業之所須也掌言可以排掌也

釋名

法天掌圓法天以運動

元命苞

法五行指五者法五行

上

握褰舜手握褰

孝經援神契

手中有褰字也喻從勞苦起受

褰飾致天祚

宋均注

手字武王與叔虞母會時夢天謂武王曰余命女生子

名虞余與之唐及生子文在其手曰虞故遂因名之曰

虞

史記

宋武公生仲子仲子生而有文在其手曰為魯夫

人故仲子歸於我生桓公

隱元

成李之將生也桓公使卜

楚丘之父卜之曰男其名曰友及生有文在其手曰友

遂以命之

閔二

啖手齊桓公北伐中山還倚柱歎曰天下珍寶悉易得

但未得食人肉耳易牙歸斷其兒手以啖於君也

論語隱義

管仲曰易牙蒸其首子而進之

韓子

桓公曰易牙烹其子

以懷寡人

呂覽

割指管仲射小白中其鈞白陽僵鮑叔割指血塗之傾

蓋以覆之哭曰吾君死矣魯攝兵

班固幽通賦注

虎掌仲尼虎掌是謂威射

鈞命決

澹臺滅明岐掌是謂正

直楠輔象

握文伸弓鈞文在手是謂知始宰我守握戶是謂守道  
子游手握文雅是敏士公冶長握輔是謂習道子貢手  
握正是謂受相公伯周手握直期是謂疾惡上

傷指夫差聞孔子至吳微服觀之或人傷其指王怒欲  
索國而誅之子胥諫乃止吳越春秋

焮掌有子惡卧而焮掌

荀子

有子刺掌脩名立

齊竟陵王  
努力門頌

有若好卧則刺其掌

桓範世要論

手拳孝武帝鈞弋趙婕妤家在河間上巡狩過河間有紫青氣自地屬天望氣者以為其下當有奇女天子之祥上使求之見有一女子在空館中姿貌殊絕兩手皆拳上令開其手數十人劈之莫能舒上於是自披手手

即伸由是得幸號拳夫人生昭帝

漢書

文奇公孫述自言手文有奇瑞數移書中國上賜述書

曰瑞應手掌成文亦非吾所知

東觀漢記

三公公長七尺八寸多鬚髯手握三公之字

李師別傳

唾掌公孫瓚為袁紹所圍曰天下兵起我謂可唾掌而

決今視孫之兵革方始不如休兵積穀

九州春秋

手文曰淵劉淵父豹母呼延氏淵生而左手有文曰淵

遂以命之

三十六國春秋

彭神符生而有文在其手曰神符

上

尊拳劉伶嘗醉與俗人相忤其人攘袂奮拳而往伶徐

曰雞肋不足以安尊拳其人笑而止

晉書

盡手初石勒與李陽鄰居歲常爭麻地迭相歐擊至是

謂父老曰李陽壯士也何以不來漚麻是布衣之恨孤  
方崇信于天下寧讎匹夫乎乃使召陽既至勒與酣詭  
引陽臂笑曰孤往日厭卿老拳卿亦飽孤毒手因賜甲

第一區拜叅軍都尉

上載記

晉王與梁有隙交兵累年後

晉王數困欲與梁通和使李襲吉為書諭梁辭甚辨麗  
梁太祖使人讀之至於毒手尊拳交相於莫夜金戈鐵  
馬蹂踐於明時歎曰李公僻處一隅有士如此使吾得  
之傳虎以翼也顧其從事敬翔曰善為我答之

五代史



文達中指陶侃左手有文直達中指至上橫節便絕占者以為此文若過位在無極侃鉞挑令徹血流彈壁乃作公字又取紙畏公迹愈明

異苑

手文曰武梁武帝母張氏嘗夢抱日已而有娠遂產帝帝生而有異光狀貌殊特日角龍顏重岳虎顧舌文八字項有浮光身映日無景兩髀駢骨項上隆起有文在右手曰武帝為兒時能蹈空而行

南史

偏直梁劉之遴字思真文範先生虬之子也博綜文史

尚書令沈休之深敬器之右手偏直不得屈伸每書則

以紙就筆

三國  
典畧

夢落十指魏莊帝之將圖爾朱榮也夜夢手持一刀自

害落十指甲都不覺惡之以告城陽王徽及楊侃徽解

夢曰蝮蛇螫手壯士解腕割指節與解腕何異去患乃

是吉祥聞者皆言善

北史三  
十六

無左隋文帝未貴時常舟行江中夜泊中夢無左手及  
覺甚惡之及登岸詣一草菴中有一老僧道極高具以

夢告之僧起賀曰無左手者獨拳也當為天子後帝與

建此菴為吉祥寺居武昌下三十里

獨異志

摸書知字隋盧大翼幼稱神童後目盲以手摸書而知

其字

北史

長尺餘隋煬帝時楊玄感反餘杭民劉元進起兵應之

元進手長尺餘臂垂過膝自以表相非常陰有異志

隋書

翟天師名乾祐長六尺手大尺餘每揖人手過胷前

西陽

好手承乾數引侯君集入內問以自安之術君集以承

乾劣弱意欲乘靈以圖之遂贊承乾陰謀不軌常舉手  
謂承乾曰此好手當為殿下用之

唐書

右指黑毫則天初誕之夕雌雄皆雌右手中指有黑毫

左旋如黑子引之長尺餘

西陽

畫圓方元嘉少聰俊左手畫圓右手畫方口誦經史目  
數羣羊兼成四十字詩一時而就足書五言一絕六事  
齊舉伐虢神仙童子

命載

名實相須而成形體相應而生

故一手獨拊雖疾無聲故曰左手畫圓右手畫方則不

兩成

韓子

重五斤陸餘慶善論事而謬於判時人嘲之曰說事喙長三尺判事手重五斤

疾從指入崔渾御史性至溫恭能盡色養父母少不安輒祈幽靈以身代母嘗有疾渾跪請病授已有頃覺疾從十指入俄而偏身母所苦遂愈丁父艱勺飲不入口

哀毀瘠立無何不勝哀而卒朝野傷心

餘載

霹靂手裴琰之為同州司戶名動一州號霹靂手

繡迹於衣莊宗嘗問高季興曰吾已滅梁欲征吳蜀何者為先季興曰宜先蜀臣請以本道兵先進莊宗大悅以手拊其背季興因命工繡其手迹於衣歸以為榮耀季興已去歸而謂梁震曰主上百戰以取河南對功臣誇手抄春秋又曰我於手指上取天下其自矜伐如此而荒于遊畋政事多廢吾可無慮矣

五代史

入手卧王文公疑每寢必入手而卧慮夢中見先靈也

北夢  
瑣言

重蹠烏游人以人掌蹠為珍重以保長老

南方異物志

足

趾足趾足也

爾雅

無事曰趾陳設曰足

元鼎錄注

足底也續也

言續脛也趾止也言行一進一止也脚却也以其坐時

却在後也

釋名

夔一足魯哀公問孔子曰吾聞夔一足信乎對曰夔人

也獨通於聲堯曰夔一而足矣使為樂正

韓子

足文履已大禹右足文履已子

帝王世紀

下有八卦老君足下有八卦

抱朴

不能衛足鄭伯治與於雍糾之亂者則強鉏君子謂強

鉏不能衛其足

左莊

葵衛足齊別鮑牽仲尼曰鮑莊子之智不如葵葵猶能

衛其足

成十

王趾楚使遠啟彊召魯公辭曰今君若步玉趾辱見寡

君寵靈楚國

昭七

不良衛襄公夫人姜氏無子嬖人媯始生孟縶孟縶之



足不良能行上

輒衛侯之兄輒何為君也曰有天疾者不得入乎宗廟

輒兩足不能相隨齊謂之纂楚謂之蹶衛謂之輒

穀梁傳

韞登衛侯輒為靈臺于藉圃與諸大夫飲酒焉褚師聲子韞而登席公怒辭曰臣有疾異于人若見之君將驚懼是以不敢公愈怒大夫辭之褚師出公握其手曰必

斷而足

哀二  
十五

曳足晉平公與唐亥坐而出叔向入公曳一足叔向問

之公曰吾待唐子腓痛足痺而不敢申叔向不悅公曰  
子欲貴吾爵子子欲富吾祿子夫唐先生無欲也非正  
坐吾無以養之

韓子

重繭申包胥如秦乞師踰越險阻曾繭重胫立於秦庭

號哭七日

幽通  
賦注

楚欲攻宋墨子聞之自魯至而十日十

夜足重繭而不休息至郢見楚王

斷足孫臏嘗與龐涓俱學兵法龐涓昵事魏得為惠王  
將軍而自以為能不及孫臏乃陰使召孫臏臏至

恐其賢於已疾之則以法刑斷其兩足而黥之欲隱勿

見史記

摩足張湯有所愛史魯謁居病卧閭里主人湯自往視病為謁居摩足趙王上書告湯人臣也史謁居有病湯

至為摩足疑與為大姦事下廷尉

漢書

足下有毛宣帝高才好學足下有毛居止數有神光照

曜每買餅所從買家輒大售

漢紀

身足下有毛

漢書

履龜文李固郤之子也貌狀有奇表鼎角匿屣足履龜

文

後漢

自割申足留贊字正明會稽人少為郡吏與黃巾賊帥  
吳桓戰手斬得桓贊一足被創遂屈不伸然性好讀  
書史每覽古良將戰攻之勢輒自歎蹙廢因呼諸近親  
欲割引申足幾復見用衆皆難之有問贊乃以刀自割  
其筋血流滂沱氣絕良久家人驚怖亦以既爾遂引申  
之足申創愈以得蹉步凌統奇之乃表薦試用屢立戰

功

吳志

伸脚局下王濟嘗與武帝圍棋濟伸脚在局下因問孫  
皓曰聞君生剥人面皮何也皓曰見人臣無禮于君者  
則剥之武子大慚遽縮脚三十國春秋賈充問皓何以剥人  
面皮皓曰憎其顏之厚也林語

病廢習鑿齒以脚病廢於里巷符堅滅樊鄧素聞其名  
與釋道安俱舉而致馬與語大說以其蹇疾裁堪半下  
與諸鎮書曰晉氏平吳利在二陸今得漢南得士一人

半耳

續音  
曰

脚病陶潛無履江州刺史王弘顧左右為之造履左右請履度潛便於座伸足令度焉弘要之還州問其所乘答云素有脚病向未藍輿亦足自反乃令一門生二兒

共輿之

晉書

躩疾多忌齊始安王遙光生而躩疾多忌人有餉履者以為戲已大被嫌責劉繪餞云智不及蔡亦以忤旨南史洗足致敗梁陰子春雖無佗才行臨人以廉潔稱閨門混雜而身服垢汙脚數年一洗言每洗則失財敗事云

在梁州以洗足致梁州敗

上

肉瘤侯景左足上有肉瘤狀似龜戰應克捷瘤則隱起

分明如其不勝瘤則低下至石頭之役瘤隱肉中

典云

足下黑子安祿山初為張仁愿帳下走使之吏仁愿嘗

令洗足仁愿脚下有黑子祿山因竊窺之仁愿顧笑曰

黑子吾貴相也祿山曰某賤人雙足俱有之比將軍者

黑而加大不知其何祥也仁愿觀而異之益親厚之約

為義兒而加寵薦焉

明皇雜錄  
定命錄

郭子儀渾瑊具

行事同

龍脚馬希範二脚左右長尺餘謂之龍脚人或誤觸則

終日頭痛

慎府燕  
閒錄



天中記卷二十二